



UNIVERSITÄTS-
BIBLIOTHEK
PADERBORN


Conceptvs Chronographicvs De Concepta Sacra Deipara

Zoller, Joseph

Augustæ, Anno 1712

XLV. Fecit Asa, quod bonum, & placitum erat, in conspectu Dei sui. 2.
Paralip. c. 14. v. 2.

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)



De Conceptâ Sacrà Deiparâ.

CONCEPTUS XLV.

§. I. Scriptura.

309. Mater pVra , In ConspEcT^v
DEI.

2. Paralip. c. 14. v. 2. *Fecit Asa, quod bonum, & placitum erat in conspectu DEI sui.*

INsigne, hoc loco, in Asæ Regis commendationem, testimonium Scriptura depromit, dicendo :

v. 2. *Fecit ergo Asa, quod bonum, & placitum erat in conspectu DEI sui.* Atque, ut laudabilia ejus gesta specialius indicaret,

v. 3. & seq. *statim subjungit : Et subvertit altaria peregrini cultûs, & excelsa, & confregit statuas, lucosque succendit, & præcepit Judæ, ut quæreret DEUM Patrum suorum, & faceret legem, & universa mandata.* Noverat nimirum Rex iste,

quàm pietas ad omnia sit utilis: quod etiam paullò post felicissimè est expertus; Enimverò egresso contra pijssimum hunc Israëlitarum Regem Zarâ, Æthiopum Principe, cum formidabilî bellatorum exercitu (decies centena hominum Millia erant, & curus trecenti) *Asa perrexerit obviam ei.* Priùs tamen invocato potentissimo Divini

v. 10. *Numinis adjutorio, his verbis : Domine ! non est apud Te ulla distantia, utrum in paucis auxiliaris, an in pluribus; in Te enim, & in Tuo Nomine habentes fiduciam, venimus contra hanc multitudinem. Domine ! DEUS noster Tu es, non prævaleat contra Te homo.* Nec irritæ fuère preces;

v. 13. *mox enim (ut ijsdem Scripturæ verbis rei eventum enarrem) ruerunt Æthiopes, usque ad internecionem, quia Domino cadente, contriti sunt.*

Jam de figurâ ad figuratum progrediamur, Matremque puram in conspectu DEI attentè perspiciamus. Fecisse certè MARIAM, quoad vixit,

omne id, quod bonum & quod placitum erat in conspectu DEI sui, nemini dubium esse potest, fatentibus idipsum non Christianis tantum omnibus, sed & ipsis Christiani Nominis hostibus cæteroquin infensissimis, Mahumetanis scilicèt, qui in Lege suâ expressè profitentur: *Matrem JESU esse amicam Legis, quia in corpore tam magnum Prophetam tulit.* Porro ob tantam pietatem, & inviolabilem cum lege amicitiam, mirum esse non debet, quòd egresso contra universum genus humanum cruentissimo Æthiopum infernalium Principe, cum innumerabilî detrutorum ad tartara Angelorum exercitu, MARIA sola perrexerit obviam, quasi hæc, in DEUM penitus confisa, secum mente revolveret: *Domine ! non est apud Te ulla distantia, nec maior difficultas, utrum in paucis auxiliaris, me à peccato, si quod committerem, denuò salvando, an in pluribus, me à tam abominandâ sceleris admissione turpique præcepti transgressione penitus præservando. In Te enim, & in Tuo Nomine, tanquam futura DEI Genitrix, venio contra hanc multitudinem, tam infernalium hostium insultantium, quàm filiorum Adami reliquorum, actu in scelus prolabantium. Domine ergo, DEUS meus tu es, imò futurus Filius meus : non prævaleat contra Te homo, nec audeat peccator Adam, primus homo, meam quoque, Tuæ per omnia conformissimam voluntatem, vel ad momentum, in suam pertrahere ! & certè, quid aliud sentiendum, quàm quòd ruerint, primo statim momento, ad pedes conceptæ Deiparæ, infernales Æthiopes, usque ad internecionem, contritisque (Domino per illam cadente) capitibus, spe suâ, in unâ hac Heroïnâ, se turpiter frustra-*

stratos ingemuerint? Nec ignorat hanc singularem Virginis illibatae Victoriam vel ipse Mahumet supramemoratus, qui in suo Alcorano hæc expressè habet: *Nullus est ex Adam, quin tenerit eum Satan, præter MARIAM, & Filium ejus.* Ex hoc MARIE Triumpho, & singulari Conceptionis puritate, quid aliud fecutum, quàm quod omnia ea, quæ in Virgine Matre postmodum fuere, pura fuerint in conspectu DEI? puri Oculi, Seraphicis mundiores: Manus puræ, utpote instrumenta, & artifices actionum Divinarum: purum Os, cum Corde eructans *verbum bonum*, & dicens laudes continuas DEO: pura Lingua, instar calami *velociter scribentis*, texens amatorias suo Sponsò æterno expressiones: puri Gressus, qui continuo in DEUM, & Cælestia tendebant: puræ Cogitationes omnes, quæ quasi virgula fumi, ex aromaticis pretiosissimis confecta, quasi pyramidaliter Divinorum odorum suffitu, Cælum petebant. Hinc est, quod Spiritus Sanctus purissimæ huic Virgini expressè inspiravit, ut sequenti cantico, laudes Servatori suo promeret: *Magnificat anima mea Dominum, & exultavit spiritus meus, in DEO salutari meo.* Verùm qualis ista Virginis miranda locutio? nonnè enim Spiritus & Anima pro eodem habentur? cur ergo, vel ad quem finem, idipsum repetit, dicendo: *Magnificat Anima mea, & Exultavit spiritus meus?* Credo ego, Virginem, quam Spiritus Sanctus regebat, dicere quidem secundâ vice voluisse: *Exultavit corpus meum in DEO*; Attamen ait Spiritus Sanctus: Nolo hoc vocare corpus, sed spiritum, quia purum adeò est, ut spiritus in conspectu DEI videatur, & non corpus. Hanc purissimam Matrem humiliter imploremus, ut eâ mediante, puritatem mentis, & corpori obtinere valeamus.

* *
*

§. 2. *Authoritas.*

S. GermanVs, testis Deiparæ
pVrè ConCeptæ. 310.

1. *Gloriosa dicta sunt de Te, Civitas DEI! nobis Divinus David cecinit in spiritu. reverà Civitatem, de quâ gloriosa dicta sunt, apertissimè vocans, Civitatem Magni Regis. Quenam ea est? existimo eum manifestissimè, & sine ullâ contradictione, dicere eam, quæ verè est electa, & omnibus superior, non domorum excellentiâ, & altitudine excitorum ædificiorum, sed Divinarum, & sublimium virtutum magnitudine, & puritate omnibus antecellentem MARIAM, nulli penitus culpæ affinem, & castissimam Deiparam, in quâ, qui verè est Rex Regum, & Dominus Dominantium habitavit. In adorat. venerand. Zonæ Deip. Virg.*
2. *Nullus est, qui sanus fiat, nisi per Te, Virgo Sanctissima! nemo est, qui liberetur à malis, nisi per Te, ô purissima! nemo est, cui donum concedatur, nisi per Te, ô castissima! Serm. de Zonâ Dominæ.*
3. *Non enim tantum dolet anima, cum à corpore avellitur, quantus dolor est, Te, Imaculata! privari. Orat. de dormit. B. V.*
4. *Quid hac, quæso, generatione prolis magis inviolatum, & venerandum? In suis Menæis, loquens de S. Annâ, MARIAM concipiente.*

§. 3. *Ratio.*

Ioannis baptistæ nativitas, non 311.
Conceptio, à Sanctâ Matre
ECCLESIA Celebrata.

Quamvis Ecclesia Festivè celebret Nativitatem S. Joannis Baptistæ, utpote jam Sanctificati in utero materno, non tamen celebrat ejus conceptionem. Et hoc ex nullâ aliâ ratione, quàm quia in conceptione adhuc Sanctus, & ab omnî maculâ mundus non erat. Atqui è contrariò defactò Ecclesia non tantùm celebrat Nativitatem B. V. MARIE, verùm etiam ejus Conceptionem: ergo debuit esse sancta, id

id est, immunis ab omnî peccato, sicut in Nativitate, ita etiam in Conceptione.

§. 4. *Historia.*

312. IMAGO VIRGINIS, ab INCENDIO ILLÆSA.

ANno Millesimo, quingentesimo, quinquagesimo tertio, sextâ Aprilis, ingens Duaci incendium, infelicî casu, exortum fuisse, referunt Scriptores. Cessit hîc præter alia, in prædam voracium flammarum integrum Patrum Franciscanorum Monasterium, unâ cum adjuncto Templo, nil prævalente, quidquid infatigabili elemento tandem compefcendo, in remedium adhibebatur. Id porrò, in horrendo hoc incendio, prorsùs accidit admirabile, quòd Altaribus Ecclesiæ, Tabellis, ac Imaginibus universim concrematis, sola Tabula Sacelli cujusdam, à Conceptione dicti, cum speciosâ Virginis immaculatæ Imagine, remanserit illæsa: in clarum haud dubiè argumentum, quòd sicut ejus Imago, reliquis omnibus in cineres reductis, integra permansit, ac intacta: sic MARIA sola, reliquis omnibus per adæ peccatum miserè destructis, illæsa permanserit, ac immaculatè concepta. Jure igitur meritissimo dicta Virginis Imago, ab incendio tam miraculosè illæsa, in hodiernum adhuc diem, ob singularem tam picturæ excellentiam, quàm affectûs devotionem, religiosè asservatur, ac à pluribus piâ veneratione colitur. *Amatus Franciscanus, in libello MARIE, Balinghem in Calendar. Virg. 6.â April.*



§. 5. *Symbolum.*

DeIpara, TVrtVr, Carens OMNI fELLE. 313.



Turturis est, à principio, sine felle creâta, Nescit amaritiam, non habet ira locum. Numinis est, à principio, sine felle MARIAM Condere peccati: Non habet ira locum.

Pulchra sunt gena tua, sicut Turturis. Cant. c. 1. v. 9.

§. 6. *Antiquitas.*

LVDVS IN THEMISTOCLE. 314.

Insolitum omninò spectaculum Themistocles, Atheniensis ille clarissimus, magno populi concursui exhibuit: Refert enim Plutarchus, & alij, cùm ad ludos ille Olympiacos, quotannis celebrari solitos, aliquando processisset, mox omnium oculos, posthabitis quibuscunque spectaculis, in illum conversos, plebemque totam in ejus contuitu, velut in jucundissimo ludo, mirè gavifam, integrum ferè diem immobiliter consumpsisse: Hinc tanto populi favore vir ille præstantissimus summoperè consolatus, dixisse fertur: *Tunc vel maximè omnium sese laborum suorum, quos hucusque, per tot annorum curricula, in Reipublicæ emolumentum suscepisset, amplif-*

plissimum fructum, ac gratissimum premi-
um percepisse.

Felix porrò, ac ter felix Beatissi-
ma Virgo! in quam solam non per
unius tantum diei spatium, sed ab
omni aternitate, non hominum mul-
titude, sed ipse omnium hominum
Creator, oculos suos ita indefinenter
defixos tenuit, ut hæc sola unicum
semper fuerit Theatrum, unicus lu-
dus, unicum spectaculum, quo de-
lectabatur, ac capiebatur DEUS, om-
nibus longè posthabitis. Dicere qui-
dem poterant aliquando reliqui San-
cti, ac præfertim Martyres: *Spectacu-
lum facti sumus Mundo, & Angelis, &
hominibus.* I. Corinth. 4. v. 9. MARIA
econtrà sola dicere poterat: *Specta-
culum facta sum, Mundi, Angelorum,
& hominum Creatori, Ludebat ni-*

mirum illa coram eo omni tempore,
quæ tam formosa semper apparuit, ut
cor DEI penitus fecerit avolare, ob-
tutu Numinis sine intermissione ver-
sus ipsam directo, in Morte, Vitâ,
& imprimis, ac excellentissimè qui-
dem in novissimo Conceptionis mo-
mento, ne damnum pateretur integ-
ritas primæ justitiæ, ipsi soli, tan-
quam futuræ Ejus Genitrici debita.


§. 7. *Anagramma.*

AVE, angVEM ILLibato 315.
peDe Conterens!

Anguem palantem, Jo! mira Eva trucidas!

Versio litteralis.

Ave Maria, gratiâ plena, Dominus tecum.



De Conceptâ Sacrà Deiparâ.

CONCEPTUS XLVI.

§. I. *Scriptura.*

316. HabItatIo MVnDa, pVrè
ConCepta.

2. Paralip. c. 29. v. 5. *Mundate domum
Domini DEI Patrum vestrorum, & au-
ferite omnem immunditiam de Sanctu-
ario.*

v. 5. **M**iram Ezechia, Regis pijs-
simi, sollicitudinem, circa
munditiem Divinæ Domûs,
ac puritatem Sanctuarij, vel ex eo licet
colligere, quòd domûs illius Sacræ mi-
nistros, ac Levitas convocans, sic
eos fuerit allocutus: *Audite me Levitæ,
& sanctificamini: mundate domum Domini
DEI Patrum vestrorum, & auferte omnem
v. 6. immunditiam de sanctuario. Quem di-
scursum sic fuit profecutus: Peccaverunt
Patres nostri, & fecerunt malum in con-
spectu Domini DEI nostri, dereliquentes*

*eum, averterunt facies suas à tabernaculo
Domini, & præbuerunt dorsum, clausurunt
ostia, &c. Hæc adeò observata Sacro-
rum puritas ipsis etiam Ægyptijs, ido-
lorum cultoribus erat communis; ut
enim Plinius loquitur: Quid ita? po-
L. 14.
scebant illi Sacerdotem, purâ cum veste, pos-
C. 19.
scebant puras lymphas, pura libamina, quid-
quid mixtum, & impurum, despiciant, &
indignum Dijs judicabant.*

Quod Rex ille Ezechias suis quon-
dam Levitis de Domo Domini, hoc
idem supremus in terris Christi Vica-
rius Romanus Pontifex suis Sacerdoti-
bus, Doctoribus, Concionatoribus,
de Beatissimâ Numinis Genitrice, di-
cere, ac inculcare videtur. Unum hic
adduco Paulum V., qui Anno 1617.
31. Aug. in Decreto, factò in generali
Congreg. S. R. E. & Universali In-
quis. expressè prohibuit, ne quisquam
cujuscunque Ordinis, aut dignitatis,
aude-

U